

WATERWERK

AKTIWITEIT 1: INLEIDING

SPESIFIEKE DOELWIT

Om die kursus met die regte gesindheid te open sodat die kursus suksesvol aangebied kan word.

STANDAARD

- a) Dat die kursus met 'n gepaste Godsdienstige aktiwiteit geopen word.
- b) Dat die KG die wonder van water as deel van God se skepping begryp.
- c) Dat die kursusinhoud vir die KG verduidelik word.
- d) Dat die KG's mekaar leer ken en ondersteun.

AKTIWITEIT 2: NUT VAN WATER

SPESIFIEKE DOELWIT

Om die kursuganger te laat besef watter nut water vir die mens en sy omgewing het.

STANDAARDE

- a) Dat die kursuganger besef watter rol water in die ontstaan en ontwikkeling van die Afrikanervolk gehad het. (volksplanting, kultuur afhanklik van natuur, droogtes, depressiejare)
- b) Dat die kursuganger die chemiese en fisiese samestelling van water verstaan. (chemies, bios, abioties, suurstof ens)
- c) Dat die kursuganger die rol van water in die voorbestaan van lewe begryp. (mens, dier en plant - ekosisteem)
- d) Dat die kursuganger die waarde van water in die algemene ekonomie van die land verstaan. (vervaardigingsindustrie, krag, vervoer, landbou, sport ens)
- e) Dat die kursuganger die nut van water vir sport en ontspanning ken. (watersport, hengel, staptoere, ontspanningsterreine – swemplekke en atmosfeer, kind en water, waterspeletjies)

AKTIWITEIT 3: LEWE BY WATER

SPESIFIEKE DOELWIT

Om die kursuganger vertrouwd te maak met die lewe in en om varswater.

STANDAARDE

- a) Dat die KG die mikro en makroflora van varswaterbronne verstaan.
- b) Dat die KG die algemene varswaterplante van die omgewing sal uitken.
- c) Dat die KG die algemene dierelewe in en om varswater ontdek.
- d) Dat die KG kennis opdoen van algemene voëlsoorte rondom varswaterplekke.

AKTIWITEIT 4: TOUWERK

SPESIFIEKE DOELWIT

Om die kursuganger vaardig te maak in die gebruik van touwerk by watersport.

STANDAARDE

- a) Dat die KG die samestelling van toue wat in watersport gebruik word sal ken.
- b) Dat die KG die algemene knope kan maak en toepas wat gebruik word by watervaartuie. (skuif, agtstag, skootsteek, maswerkklas, booglyn, vissers, terugsplitsing en besetting)
- c) Dat die KG 'n werptou kan maak. (bobbejaanknoop)
- d) Dat die KG 'n eenvoudige net kan vleg.

AKTIWITEIT 5: VAARTUIE OP DIE WATER

SPESIFIEKE DOELWIT

Om die kursuganger met kennis toe te rus van algemene watervaartuie wat gebruik word.

STANDAARDE

- a) Dat die KG die verskillende vaartuie wat algemeen op water gebruik word in geheel sal ken en dele daarvan kan uitwys en funksies daarvan verduidelik. (Roeiboot, seilboot – dighie en kattermeran, walvlot, kano, kragboot, jetski)
- b) Dat die KG die algemene terminologie wat by watervaartuie gebruik word sal ken.
- c) Dat die KG 'n seilboot en walvlot volledig vaarbaar kan maak.

AKTIWITEIT 6: WATERSPORT

SPESIFIEKE DOELWIT

Om die kursuganger watersport met die nodige vaardigheid te laat beoefen.

STANDAARDE

- a) Dat die KG die watervaartuie beskikbaar met algemene vaardigheid kan hanteer (ten minste walvlot, roeiboot, seilboot, windseilplank en 'n motorboot of jetski)
- b) Dat die KG die algemene vaar terminologie wat gebruik word sal ken.
- c) Dat die KG die algemene vaarreëls sal ken.
- d) Dat die KG die algemene versorging van die watervaartuie wat gebruik word sal toepas.

AKTIWITEIT 7: WATERVEILIGHEID

SPESIFIEKE DOELWIT

Om die kursuganger die algemene beginsels van veiligheid by water te laat bemeester.

STANDAARDE

- a) Dat die KG die gebruik van lewensbaadjies, dryfgordels en natpakke bemeester met die beoefening van watersport.
- b) Dat die KG die algemene lewensredding tegnieke sal bemeester. (KPR)
- c) Dat die KG die volgede algemene mediese probleme kan voorkom en eerste hulp kan toepas indien benodig: Sonbrand, hitte-uitputting, hipotermie, algemene beserings, Bilharzia

AKTIWITEIT 8: WEERKUNDE

SPESIFIEKE DOELWIT

Om die kursuganger vertrouwd te maak met die verskynsels wat die weer beïnvloed.

STANDAARDE

- a) Dat die KG algemene weerverskynsels sal begryp wat 'n invloed op watersport het.
- b) Dat die KG die samestelling van wolke en die invloed van wind daarop sal verstaan.
- c) Dat die KG die algemene reënval van die omgewing kan bepaal.

AKTIWITEIT 9: HENGEL

SPESIFIEKE DOELWIT

Om die kursuganger vaardig te maak in die basiese hengeltegnieke.

STANDAARDE

- a) Dat die KG die algemene toerusting benodig vir hengel sal ken.
- b) Dat die KG die algemene vaardighede benodig vir hengel by damme en riviere sal bemeester.

AKTIWITEIT 10: REDDING

SPESIFIEKE DOELWIT

Om die kursusganger kennis te laat opdoen, sodat hy vaardig met die regte gesindheid 'n noodsituasie kan hanteer.

STANDAARDE

- a) Dat die KG die meer algemene gevare wat water vir die mens inhou verstaan.
- b) Dat die KG met die onderskeie publieke ondersteuningsdienste (NSRI, SAPD, burgerlike beskerming, parkeraad, natuurbewaring en Portnet/vloot) se werkingswyse vertrou sal wees.
- c) Dat die KG die vermoë sal ontwikkel om met die onderskeie diensorganisasies te kan skakel indien nodig.
- d) Dat die KG algemene kommunikasie dmv radios, morsekode en seinvlae kan toepas.
- e) Dat die KG die werking van radar verstaan.

AKTIWITEIT 11: WATERBESOEDELING

SPESIFIEKE DOELWIT

Om die kursusganger in te lig rondom belangrike aspekte in waterbesoedeling

STANDAARDE

- a) Dat die KG die gevare van besoedelde water vir menslike gebruik (sport en drink) sal besef. (Cholera, chemikalië)
- b) Dat die KG die nadelige gevolge wat besoedelde water op die omgewing het kan waarneem.
- c) Dat die KG die algemene voorkoming van waterbesoedeling sal kan toepas.
- d) Dat die KG die watersuiweringsstelsels sal bestudeer.

AKTIWITEIT 12: KAARTWERK

SPESIFIEKE DOELWIT

Om die kursusganger vertrou te maak met die basiese kaartwerk rondom waterwerk.

STANDAARDE

- a) Dat die KG 'n normale topografiese kaart kan interpreteer met verwysing na veral water.
- b) Dat die KG die diepte van water kan bepaal. (diepteloting)
- c) Dat die KG algemene navigasieinstrumente kan gebruik.

AKTIWITEIT 13: OORLEWING

SPESIFIEKE DOELWIT

Om die belangrike aspekte van oorlewing aan die kursusganger oor te dra.

STANDAARDE

- a) Dat die KG die algemene beginsels van fisiese oorlewing by water sal ken.
- b) Dat die KG die vermoë sal ontwikkel om bruikbare drinkwater te bekom.
- c) Dat die KG kennis opdoen van algemene eetbare plante en diere in die omgewing van water.
- d) Dat die KG die algemene geestelike uithouvermoë van oorlewing begryp.

AKTIWITEIT 14: BOU 'N BOOT

SPESIFIEKE DOELWIT

Om die kursusganger geleentheid te bied om saam aan 'n boot te bou.

STANDAARDE

- a) Dat die KG die basiese tegnieke wat benodig word om met veselglas te werk sal aanleer.
- b) Dat die KG 'n normale rooiboot beplan en meedoen aan die bouwerk.

AKTIWITEIT 15: BEPLAN 'N REGATA

SPESIFIEKE DOELWIT

Om die kursusganger vaardig te maak om 'n regata te reël.

STANDAARDE

- a) Dat die KG die algemene bepalings van 'n regata ken.
- b) Dat die KG as deel van 'n groep 'n regata beplan vir 'n groep Voortrekkers.

AKTIWITEIT 15: AFSLUITING

SPESIFIEKE DOELWIT

Om die kursus op 'n gepaste wyse af te sluit

STANDAARDE

- a) Dat die KG die kursus evalueer.
- b) Dat die KG die kursus op 'n gepaste Voortrekkerwyse afsluit.